

ՊԱՅՄԱՆԱԳԻՐ N ՀՀՀ-ՄԱԾՁԲ-20/4-Պ

ք. Երևան

22-ը հունվարի 2020թ.

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Պատվիրատու), ի դեմս գործադիր տնօրեն Մարգարիտա Գրիգորյանի, ով գործում է ընկերության Կանոնադրության հիման վրա, մի կողմից, և

Անհատ ձեռնարկատեր Լիլիթ Խալաթյանը (այսուհետ՝ Կատարող), մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր),

կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ ԵՎ ԿԱՏԱՐՄԱՆ ԺԱՄԿԵՏԸ

- 1.1. Սույն Պայմանագրով Կատարողը պարտավորվում է Պատվիրատուի հանձնարարությամբ Հայաստանի հանրային հեռուստաընկերության Առաջին ալիքի եթերում հեռարձակվող հաղորդաշարների հաղորդավարների պատշաճ տեսքն ապահովելու նպատակով Կողմերի միջև համաձայնեցված էսքիզների հիման վրա բազմակի օգտագործման համար պիտանի կտորներից և այլ նյութերից հաղորդավարների չափսերին համապատասխան կարել սույն Պայմանագրի Հավելված 1-ով նախատեսված հագուստները (այսուհետ՝ Հագուստներ) և հանձնել դրանք Պատվիրատուի սեփականությանը (այսուհետ՝ Ծառայություններ), իսկ Պատվիրատուն պարտավորվում է ընդունել մատուցված Ծառայությունները և վճարել դրանց դիմաց սույն Պայմանագրով սահմանված կարգով, չափով և ժամկետում:
- 1.2. Ծառայությունները մատուցվում են, իսկ արդյունքը հանձնվում է մինչև 2020թ.-ի հունվարի 29-ը ներառյալ:
- 1.3. Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները և համաձայնությունները:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

- 2.1. **Պարվիրապուն իրավունք ունի՝**
 - 2.1.1. Կատարողից պահանջել սույն Պայմանագրով նախատեսված Ծառայությունները մատուցել ամբողջությամբ, պատշաճ որակով և սահմանված ժամկետում,
 - 2.1.2. Ցանկացած ժամանակ ստուգել Կատարողի կողմից մատուցվող Ծառայությունների ընթացքը և որակը՝ առանց միջամտելու Կատարողի գործունեությանը՝ պահանջելով տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
 - 2.1.3. Պահանջել Կատարողից աջակցել Պատվիրատուին Ծառայությունների մատուցման ընթացքը և որակը ստուգելիս, ինչպես նաև մատուցված Ծառայությունների արդյունքն ընդունելիս,
 - 2.1.4. Սույն Պայմանագրով իր ակնկալած արդյունքին հասնելու նպատակով Կատարողին տալ Ծառայությունների մատուցմանը վերաբերելի ողջամիտ ցուցումներ,
 - 2.1.5. Եթե հանձնվել են անպատշաճ որակի՝ Պայմանագրով նախատեսված բնութագրին չհամապատասխանող Հագուստներ՝
 - i. պահանջել հատուցելու Հագուստների անպատշաճ որակի լինելու պատճառով իր կատարած ծախսերը,
 - ii. չընդունել Հագուստները՝ իր հայեցողությամբ սահմանելով անպատշաճ որակի Հագուստները Պայմանագրին համապատասխանող որակի Հագուստներով անհատույց փոխարինելու ողջամիտ

ժամկետ և պահանջել Կատարողից վճարելու Պայմանագրի 6.3 կետով նախատեսված տուգանքը, ինչպես նաև՝ 6.2 կետով նախատեսված տույժը.

- 2.1.6. Եթե հանձնվել են Պայմանագրով որոշվածից պակաս քանակի Հազուստներ՝ պահանջել լրացնել Հազուստների պակաս հանձնված քանակը և վճարել Պայմանագրի 6.2 կետով նախատեսված տույժը,
- 2.1.7. Գրավոր տեղեկացմամբ միակողմանիորեն լուծել սույն Պայմանագիրը և Կատարողից պահանջել իր կրած վնասների, ներառյալ, բայց չսահմանափակվելով, խախտված իրավունքները վերականգնելու համար կատարված ծախսերի և բաց թողնված օգուտի հատուցում, եթե՝
 - i. Կատարողը խախտել է սույն Պայմանագրի Հավելված 1-ով Հազուստների համար սահմանված բնութագրերը և/կամ կարել է Կողմերի միջև համաձայնեցված էսքիզներից էականորեն տարբերվող և/կամ բազմակի օգտագործման համար ոչ պիտանի կտորներից և այլ նյութերից և/կամ հաղորդավարների չափսերին չհամապատասխանող Հազուստներ և/կամ հանձնել է Պայմանագրով սահմանված քանակից պակաս Հազուստներ և ողջամիտ ժամկետում իր հաշվին չի շտկել նշված թերություն(ներ)ը կամ խախտման բնույթից ակնհայտ է, որ այն չի կարող շտկվել ողջամիտ ժամկետում,
 - ii. Կատարողը սույն Պայմանագրով սահմանված ժամկետում չի մատուցել Ծառայությունները կամ դրանց մի մասը,
 - iii. Կատարողն այլ կերպ թույլ է տվել սույն Պայմանագրի էական խախտում:
- 2.1.8. Մատուցված Ծառայությունների արդյունքներն ընդունելիս զննել Հազուստները և հայտնաբերված թերությունների մասին անհապաղ տեղեկացնել Կատարողին,
- 2.1.9. Պահանջել Կատարողից ամբողջությամբ հատուցել Ծառայությունների մատուցման կապակցությամբ Պատվիրատուին պատճառված վնասը՝ ներառյալ բաց թողնված օգուտը:

2.2. **Պատվիրարուն պարտավոր է՝**

- 2.2.1. Կատարողին ապահովել սույն Պայմանագրով սահմանված Ծառայությունների մատուցման համար անհրաժեշտ բոլոր պայմաններով, այդ թվում, հանձնին Պատվիրատուի ռեաբանական ստուդիայի կողողինատորի կոնտակտային անձով, ով իրավասու կլինի Կատարողի հետ համաձայնեցնել Հազուստների էսքիզները, հայտնել հաղորդավարների չափսերի մասին տեղեկատվությունը և այլն,
- 2.2.2. Սույն Պայմանագիրը միակողմանի լուծելու դեպքում ապահովել հանձնված Հազուստների պատասխանատու պահպանությունը և դրա մասին անհապաղ տեղեկացնել Կատարողին,
- 2.2.3. Ընդունել սույն Պայմանագրին համապատասխան մատուցված Ծառայությունները, իսկ թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին,
- 2.2.4. Վճարել Կատարողին մատուցված Ծառայությունների դիմաց սույն Պայմանագրով սահմանված չափով, կարգով և ժամկետում:

2.3. **Կատարողն իրավունք ունի՝**

- 2.3.1. Սույն Պայմանագրով սահմանված Ծառայությունների մատուցման նպատակով Պատվիրատուից պահանջել ապահովել սույն Պայմանագրի 2.2.1 կետով սահմանված պայմանները,
- 2.3.2. Պատվիրատուից պահանջել սույն Պայմանագրով սահմանված կարգով և ժամկետում ընդունել պատշաճ մատուցված Ծառայությունները,
- 2.3.3. Պատվիրատուից պահանջել վճարել մատուցված Ծառայությունների դիմաց սույն Պայմանագրով սահմանված չափով, կարգով և ժամկետում:

2.4. **Կատարողը պարտավոր է՝**

- 2.4.1. Ծառայությունները մատուցել սույն Պայմանագրով սահմանված ժամկետում, ամբողջությամբ և պատշաճ որակով, ՀՀ օրենսդրությամբ սահմանված կիրառելի նորմերի, կանոնների և ստանդարտների պահանջներին համապատասխան,
- 2.4.2. Ծառայությունները մատուցել անձամբ, սեփական ուժերով և միջոցներով: Ծառայությունների մատուցմանը Կատարողի կողմից երրորդ անձանց ներգրավելը հնարավոր է միայն Պատվիրատուի նախնական գրավոր համաձայնությամբ,
- 2.4.3. Աջակցել Պատվիրատուին Ծառայությունների մատուցման ընթացքը և որակը ստուգելիս, ինչպես նաև մատուցված Ծառայությունների արդյունքն ընդունելիս,

- 2.4.4. Սույն Պայմանագրի 2.1.2 կետով սահմանված կարգով Պատվիրատուի համապատասխան պահանջը ստանալուց 1 (մեկ) աշխատանքային օրվա ընթացքում Պատվիրատուին տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
- 2.4.5. Հետևել սույն Պայմանագրի պայմանների սահմաններում Պատվիրատուի տված ողջամիտ ցուցումներին,
- 2.4.6. Պատվիրատուի կողմից սահմանված ողջամիտ ժամկետում վերացնել մատուցված Ծառայությունների ընդունման ընթացքում հայտնաբերված թերությունները,
- 2.4.7. Պատվիրատուին հանձնել երրորդ անձանց իրավունքներից ազատ Հագուստներ,
- 2.4.8. Հանձնման-ընդունման ակտի ստորագրման հետ մեկտեղ Պատվիրատուին տեղեկացնել Ծառայությունների արդյունքի շահագործման պահանջների և կանոնների, այդ պահանջները և կանոնները չպահպանելու հետևանքների վերաբերյալ, եթե դա կիրառելի է ելնելով Ծառայությունների բնույթից,
- 2.4.9. Հետ տանել Պատվիրատուի կողմից Պայմանագրի 2.2.2 կետին համապատասխան պատասխանատու պահպանության ընդունված Հագուստները կամ ողջամիտ ժամկետում այլ կերպ տնօրինել դրանք և հատուցել Հագուստները պատասխանատու պահպանության ընդունելու, դրանք իրացնելու կամ Կատարողին վերադարձնելու հետ կապված՝ Պատվիրատուի կատարած անհրաժեշտ ծախսերը,
- 2.4.10. Պայմանագրի կատարման ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ՊԱՅՄԱՆԱԳՐԻ ԱՐԺԵՔԸ ԵՎ ՎՃԱՐՄԱՆ ԿԱՐԳԸ

- 3.1. Սույն Պայմանագրով նախատեսված Ծառայությունների ընդհանուր արժեքը կազմում է 900 000 (ինը հարյուր հազար) ՀՀ դրամ՝ համաձայն սույն Պայմանագրի Հավելված 1-ով սահմանված նախահաշվի: Ծառայությունների ընդհանուր արժեքը ներառում է բոլոր կիրառելի հարկերը, ինչպես նաև Ծառայությունների մատուցման համար Կատարողի կողմից իրականացվելիք բոլոր ծախսերը, ներառյալ, բայց չսահմանափակվելով, կտորի, թելերի ձեռքբերման ծախսերը և այլն:
- 3.2. Պատվիրատուն մատուցված Ծառայությունների դիմաց վճարումն իրականացնում է համաձայն հետևյալ ժամանակացույցի՝
 - 3.2.1. Մինչև 23.01.2020թ.-ը կանխավճար՝ Պայմանագրի ընդհանուր արժեքի 50 տոկոսի չափով,
 - 3.2.2. Պայմանագրի ընդհանուր արժեքի մնացած մասը հանձնման-ընդունման ակտի և հաշիվ-ապրանքագրի երկկողմանի հաստատվելուց հետո 30 (երեսուն) աշխատանքային օրվա ընթացքում:
- 3.3. Սույն Պայմանագրով վճարումն իրականացվում է անկանխիկ եղանակով՝ դրամական միջոցները Կատարողի բանկային հաշվեհամարին փոխանցելու միջոցով:
- 3.4. Վճարման ամսաթիվ է համարվում Պատվիրատուի բանկային հաշվից դրամական միջոցների ելքագրման ամսաթիվը:
- 3.5. Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում՝ Կատարողը:

4. ԾԱՌԱՅՈՒԹՅՈՒՆՆԵՐԻ ՀԱՆՁՆՈՒՄ-ԸՆԴՈՒՆՈՒՄԸ

- 4.1. Սույն Պայմանագրով նախատեսված Ծառայությունների մատուցման ավարտից 3 (երեք) աշխատանքային օրվա ընթացքում Կատարողը Պատվիրատուին է ներկայացնում իր կողմից հաստատված հանձնման-ընդունման ակտը և հաշիվ-ապրանքագիրը:
- 4.2. Հանձնման-ընդունման ակտը ներկայացնելու օրվանից 3 (երեք) աշխատանքային օրվա ընթացքում Պատվիրատուն Կատարողի աջակցությամբ ստուգում է մատուցված Ծառայությունների որակը և առարկությունների բացակայության դեպքում հաստատում հանձնման-ընդունման ակտը և հաշիվ-ապրանքագիրը:

- 4.3. Այն դեպքում, երբ մատուցված Ծառայություններում հայտնաբերվում են թերություններ, Պատվիրատուն չի ստորագրում հանձնման-ընդունման ակտը և սույն Պայմանագրի 4.2 կետում նշված ժամկետում Կատարողին գրավոր ներկայացնում է հանձնման-ընդունման ակտը չհաստատելու հիմնավորում՝ նշելով մատուցված Ծառայություններում հայտնաբերված թերությունները և սահմանելով դրանց վերացման ողջամիտ ժամկետ կամ սույն Պայմանագրի 2.1.7 կետով սահմանված կարգով միակողմանի լուծում է Պայմանագիրը:
- 4.4. Այն դեպքում, եթե Պատվիրատուն սույն Պայմանագրի 4.2 կետում նշված ժամկետում չի հաստատում հանձնման-ընդունման ակտը և Կատարողին չի ներկայացնում դրա հիմնավորումը, ապա հանձնման-ընդունման ակտը համարվում է հաստատված Պատվիրատուին ներկայացնելու ամսաթվով:

5. ՀԱԳՈՒՍՏՆԵՐԻ ՈՐԱԿԸ

- 5.1. Կատարողը երաշխավորում է պատրաստված Հագուստների որակի համապատասխանությունը կիրառելի ստանդարտների, կանոնների պահանջներին և սույն Պայմանագրով սահմանված պայմաններին:

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 6.1. Կողմերը պատասխանատվություն են կրում սույն Պայմանագրով նախատեսված պարտականությունների չկատարման կամ ոչ պատշաճ կատարման համար:
- 6.2. Ծառայությունները թերություններով մատուցելու յուրաքանչյուր դեպքում Պատվիրատուն իրավասու է Կատարողից գանձել տուգանք՝ սույն Պայմանագրի 3.1 կետով սահմանված ընդհանուր արժեքի 10 (տասը) տոկոսի չափով:
- 6.3. Կատարողի կողմից Ծառայությունների մատուցման ժամկետի խախտման դեպքում, Պատվիրատուն իրավունք ունի Կատարողից գանձելու տույժ՝ կետանցի յուրաքանչյուր օրվա համար սույն Պայմանագրի ընդհանուր արժեքի 0,5 (զրո ամբողջ հինգ տասնորդական) տոկոսի չափով: Ընդ որում, սույն կետով սահմանված տույժը հաշվարկվում է սույն Պայմանագրի 1.2 կետով մատուցված Ծառայությունների արդյունքի հանձնման համար նախատեսված ժամկետից մինչև Կողմերի կողմից սույն Պայմանագրով համաձայնեցված ծավալներով պատշաճ որակի Հագուստները Պատվիրատուին փաստացի հանձնելու օրն ընկած ժամանակահատվածի համար:
- 6.4. Սույն Պայմանագրի 6.2 և 6.3 կետերով նախատեսված տուգանքը և տույժը կարող են հաշվարկվել և հաշվանցվել Կատարողին վճարման ենթակա գումարից:
- 6.5. Մատուցված Ծառայությունների դիմաց վճարելու սույն Պայմանագրով սահմանված ժամկետը խախտելու դեպքում Կատարողն իրավունք ունի Պատվիրատուից գանձել տույժ՝ կետանցի յուրաքանչյուր օրվա համար սույն Պայմանագրի ընդհանուր արժեքի 0,5 (զրո ամբողջ հինգ տասնորդական) տոկոսի չափով, բայց ոչ ավել քան վճարման ենթակա գումարի 5 (հինգ) տոկոսը:
- 6.6. Տուգանքի և (կամ) տույժերի վճարումը Կողմերին չի ազատում սույն Պայմանագրով ստանձնած պարտականությունների ամբողջական կատարումից, եթե այլ բան նախատեսված չէ ՀՀ օրենսդրությամբ:
- 6.7. Սույն Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

7. ՖՈՐՍ-ՄԱԺՈՐ

- 7.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը:

- 7.2. Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

8. ԳԱՂՏՆԻՈՒԹՅՈՒՆ

- 8.1. Սույն Պայմանագրի վերաբերյալ բանակցություններին կամ Պայմանագրի պայմաններին, այդ թվում՝ արժեքին, Պայմանագրից բխող գործողություններին առնչվող ողջ տեղեկատվությունը (այդ թվում՝ փաստաթղթերը), բացառությամբ զանգվածային տեղեկատվության միջոցներում առկա տեղեկատվության (եթե այդպիսին առկա է), գաղտնի է և չի կարող տրամադրվել որևէ երրորդ կողմի, բացառությամբ մյուս Կողմի նախապես տրամադրված գրավոր համաձայնության կամ ՀՀ օրենսդրությամբ նախատեսված դեպքերի:
- 8.2. Կողմերը պարտավոր են սույն Պայմանագրի գործողության, ինչպես նաև հաջորդող 3 (երեք) տարիների ընթացքում, ապահովել համապատասխան տեղեկատվության գաղտնիությունը և պատշաճ պաշտպանությունը՝ գործադրելով առնվազն այնպիսի ջանքեր, ինչպիսիք կգործադրեին իրենց իսկ նման տեղեկատվության պաշտպանության համար:

9. ԵԶՐԱՓՈՒԿ ԴՐՈՒՅԹՆԵՐ

- 9.1. Սույն Պայմանագիրն ուժի մեջ է մտնում երկկողմանի ստորագրման պահից և գործում՝ մինչև Կողմերի համար սույն Պայմանագրով նախատեսված պարտավորությունների ամբողջական և պատշաճ կատարումը:
- 9.2. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:
- 9.3. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցելու երրորդ անձի՝ առանց մյուս Կողմի գրավոր համաձայնության:
- 9.4. Սույն Պայմանագրից ծագած Կողմի վճարային պարտավորությունը չի կարող դադարել այլ պայմանագրից ծագած հակընդդեմ պարտավորության հաշվանցով՝ առանց Կողմերի գրավոր համաձայնության: Պայմանագրից ծագած պահանջի իրավունքը չի կարող փոխանցվել այլ անձի՝ առանց պարտապան կողմի գրավոր համաձայնության:
- 9.5. Սույն Պայմանագրի պատշաճ կատարման պայմաններում Կողմերի (Պատվիրատու կամ Կատարող) օգուտները (խնայողությունները) կամ կրած վնասները տվյալ Կողմի օգուտը կամ կրած վնասն են:
- 9.6. Սույն Պայմանագրի Կողմերի՝ երրորդ անձանց նկատմամբ պարտավորությունները՝ ներառյալ սույն Պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են սույն Պայմանագրի կարգավորման դաշտից և չեն կարող ազդել սույն Պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:
- 9.7. Սույն Պայմանագրի Հավելված 1-ը հանդիսանում է Պայմանագրի անբաժանելի մասը:
- 9.8. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 9.9. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված՝ Կողմերի լիազոր ներկայացուցիչների կողմից:
- 9.10. Սույն Պայմանագիրը կարող է վաղաժամկետ լուծվել Պայմանագրով, ՀՀ օրենսդրությամբ նախատեսված կարգով և հիմքերով, ինչպես նաև Կողմերի փոխադարձ համաձայնությամբ: Պատվիրատուն իրավունք ունի ցանկացած պահի միակողմանիորեն լուծել սույն Պայմանագիրը՝ այդ մասին առնվազն 5 (հինգ) աշխատանքային օր առաջ ծանուցելով Կատարողին: Պատվիրատուի

նախաձեռնությամբ Պայմանագրի վաղաժամկետ լուծման հետևանքները կարգավորվում են սույն Պայմանագրով և/կամ ՀՀ օրենսդրությամբ՝ կախված այդպիսի լուծման շարժառիթ հանդիսացած հանգամանքներից: Կատարողի նախաձեռնությամբ Պայմանագրի վաղաժամկետ լուծման դեպքում, Կատարողը պարտավոր է ամբողջությամբ հատուցել վաղաժամկետ լուծման հետևանքով Պատվիրատուին պատճառված վնասները՝ ներառյալ բաց թողնված օգուտը:

- 9.11. Սույն Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ սույն Պայմանագրի վավերապայմաններում նշված ծանուցման հասցեներով փոստային առաքմամբ կամ առձեռն հանձնելու միջոցով, կամ Կողմերի համաձայնությամբ նախատեսված այլ եղանակներով:
- 9.12. Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, համապատասխան Կողմը պարտավոր է այդ մասին պատշաճ կերպով գրավոր ծանուցել մյուս Կողմին՝ այդպիսի փոփոխությունից հետո 5 (հինգ) աշխատանքային օրվա ընթացքում, հակառակ դեպքում՝ նախկինում տրամադրված վավերապայմաններով արված վճարումները, ուղարկված ծանուցումները համապատասխանաբար կհամարվեն ժամանակին կատարված կամ պատշաճ հասցեով ուղարկված:
- 9.13. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
- 9.14. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների արդյունքում համաձայնություն ձեռք չբերվելու դեպքում վեճերը լուծվում են դատական կարգով:
- 9.15. Սույն Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ:

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Պատվիրատու
«Հայաստանի հանրային հեռուստաընկերություն» ՓԲԸ
Հասցե՝ ՀՀ, ք.Երևան, Գ.Հովսեփյան 26
ՀՎՀՀ՝ 01540062
«Արդշինբանկ» ՓԲԸ
Հ/Հ՝ 2470102796740000

Կատարող
Ա/Ձ Լիլիթ Խալաթյան
Հասցե՝ ՀՀ, ք.Երևան, Միրաքյան նրբ. տուն 6
ՀՎՀՀ՝ 87928391
«ԱԿԲԱ-ԿՐԵԴԻՏ ԱԳՐԻԿՈՒԲԱՆԿ» ՓԲԸ
Հ/Հ՝ 220319601880000

Մարզարիտա Գրիգորյան
Գործադիր տնօրեն



Լիլիթ Խալաթյան

Հավելված 1
 2019թ.-ի հունվարի 22-ին կնքված
 N ՀՀՀ-ՄԱԾՁԲ-20/4-Պ պայմանագրի

ՊԱՏՐԱՍՏՎՈՂ ՀԱԳՈՒՍՏԻ ԲՆՈՒԹԱԳԻՐԸ և ԱՐԺԵՔԸ

Հ/Հ	Հազուստի անվանում և բնութագիր	Չափման միավոր	Քանակ	Միավորի արժեքը ՀՀ դրամ	Ընդհանուր արժեքը ՀՀ դրամ
1.	Տղամարդու կոստյում. կիսաբրոյա, մոխրագույն, մուգ կապույտ	հատ	2	60000	120000
2.	Տղամարդու վերնաշապիկ. բամբակյա, վարդագույն, երկնագույն	հատ	2	15000	30000
3.	Կանացի զգեստ. տարբեր գույնի	հատ	2	49900	99800
4.	Կանացի տաբատ. դասական	հատ	1	25000	25000
5.	Կանացի բլուզ. մետաքսե, դասական	հատ	1	25200	25200
6.	Տղամարդու պիջակ. կիսաբրոյա, տարբեր գույների	հատ	3	40000	120000
7.	Տղամարդու վերնաշապիկ. բամբակյա, կաթնագույն, բաց մոխրագույն	հատ	2	15000	30000
8.	Կանացի զգեստ. դասական	հատ	2	39900	79800
9.	Կանացի բլուզ	հատ	3	23400	70200
10.	Կանացի բլուզ. տարբեր գույների	հատ	4	25900	103600
11.	Կանացի զգեստ. դասական	հատ	2	48200	96400
12.	Տղամարդու պիջակ. ազատ ոճի	հատ	2	34900	69800
13.	Տղամարդու վերնաշապիկ. գուլավոր	հատ	2	15100	30200
Ընդհանուր					900000

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պատվիրատու

«Հայաստանի հանրային հեռուստաընկերություն» ՓԲԸ

Հասցե՝ ՀՀ, ք.Երևան, Գ.Հովսեփյան 26
 ՀՎՀՀ՝ 01540062
 «Արդշինբանկ» ՓԲԸ
 Հ/Հ՝ 2470102796740000

Մարզարիտա Գրիգորյան
 Գործադիր տնօրեն



Կատարող

Ա/Ձ Լիլիթ Խալաթյան

Հասցե՝ ՀՀ, ք.Երևան, Միրաքյան նրբ. տուն 6
 ՀՎՀՀ՝ 87928391
 «ԱԿԲԱ-ԿՐԵԴԻՏ ԱԳՐԻԿՈՒԲԱՆԿ» ՓԲԸ
 Հ/Հ՝ 220319601880000

Լիլիթ Խալաթյան